

Sakspapir

Saksnr	Utvalg	Type	Dato
116/20	Formannskapet	PS	22.10.2020

Saksbehandler	Arkiv	ArkivsakID
Asbjørn Nagell Toft	FA-M30	16/252

Forskrift om slamtømming for Austrheim kommune- Høyring

Vedlegg:

forskrift for slamtømming - versjon 19062020

Framlegg til vedtak:

Austrheim kommune gjer vedtak om å sende **Lokal forskrift om slamtømming for Austrheim kommune** ut på *ut på offenleg ettersyn i 6 veker*. Grunngevinga for vedtaket er gjeve i saksutgreiinga. Lokal forskrift er heimla i lov av 13. mars 1981 nr. 6 om vern mot forurensninger og om avfall (Forurensningsloven) § 30, § 33, § 34, § 37, § 79, § 83 og § 85

Formannskapet - 116/20 - 22.10.2020

FS - behandling:

Avdelingsleiar Asbjørn Toft orienterte om saka.

Handsaming i formannskapet:

Samrøystes for rådmannens framlegg til vedtak.

FS vedtak:

Austrheim kommune gjer vedtak om å sende **Lokal forskrift om slamtømming for Austrheim kommune** ut på *ut på offenleg ettersyn i 6 veker*. Grunngevinga for vedtaket er gjeve i saksutgreiinga. Lokal forskrift er heimla i lov av 13. mars 1981 nr. 6 om vern mot forurensninger og om avfall (Forurensningsloven) § 30, § 33, § 34, § 37, § 79, § 83 og § 85

Saksopplysninger:

Lokal forskrift om slamtømming for Austrheim kommune er no klar til å sendast ut på *ut på offenleg ettersyn*. Forslag til forskrift er vedlagt i saka. Forskrifta består av føresegnar som er rettsleg bindande. Den same forskrifta skal også gjelda i Alver kommune, Fedje kommune, Gulen kommune, Masfjorden kommune, Modalen kommune og Solund kommune. Alle kommunane i Nordhordland og Gulen har vore med i dette fellesarbeidet og utarbeidd dette vedlagte framlegget til lokal forskrift. Arbeidet er gjort i samarbeid med renovasjonselskapet NGIR, det er dei som har sendt dette forslaget

til alle kommunane. Prosessen med lokal forskrift treng politisk forankring og kvar kommune skal fremja saka fram for politisk handsaming. Den gamle slamforskrifta som gjeld i vår region er vorte forelda.

Føremålet med denne forskrifta er å sikra forsvarleg miljøkvalitet ved eit avløpsanlegg, slik at forureining ikkje fører til helseskade, går ut over trivselen eller skader naturens evne til produksjon og sjølvfornyng. Forskrifta har og som formål å sikra helsemessig, miljømessig og økonomisk forsvarleg innsamling, transport og handsaming av slam, etter sentrale instansar sine krav til slamhandtering. Forskrifta gjeld tømning, transport og handsaming av slam og sanitært avløpsvatn frå slamanlegg. Forskrifta fastset og retningslinjer for slamgebyr. Kommunestyra fastset gebyret sin storleik. Alle som vert omfatta av ordninga, inkludert dei tilknytt private fellesanlegg, plikter å betale eit årleg gebyr fastsett av kommunen etter forureiningslova sin § 34. Gebyret dekkjer ordinær tømning.

Tenester utover tømning, transport og handsaming av slam vert ikkje omfatta av forskrifta. Denne forskrifta tek til å gjelda så snart ho er vedteke av kommunestyret i den enkelte kommune. Frå same tidspunkt vert tidlegare forskrift sett ut av kraft.

Slamavskiljarar som er tilknytt bustad skal tømmast heilt for slam ikkje sjeldnare enn kvart 2. år, og for fritidsbustad ikkje sjeldnare enn kvart 4. år. Minireinseanlegg skal tømmast kvart år. Eigar av anlegget er ansvarleg for å melde inn trong for ekstratømming og gjennomføre tømning i samsvar med leverandøren sine retningslinjer. Viss det er trong for hyppigare tømning enn ein gong kvart år, må dette belastast abonnent (jf. §6). Abonnenten skal syte for at slamanlegga som skal tømmast er lett tilgjengeleg for tømning. Tilkomstvegen skal vere i samsvar med spesifikasjonar under §3 Kjørbar privat veg. For at nye private vegar som blir tatt i bruk til tømning av slam i NGIR-området skal kunne reknast som kjørbare er det viktig at dei har ein viss minimumstandard.

Denne lokale forskrifta skal endeleg godkjennast i kommunestyret. Målet er at den skal tre i kraft den 1.1.2021.

Vurdering

Rådmannen meiner at det å sikra forsvarleg drift- og miljøkvalitet ved eit avløpsanlegg, slik at forureining ikkje fører til helseskade, går ut over trivselen eller skader naturens evne til produksjon og sjølvfornyng er eit viktig mål med denne forskrifta. Innbyggernes investeringar i nye avløpsanlegg skal betala seg i form av god og rett rensing, men og gode driftstilhøve for dei som skal handtera slammet. Dette er god samfunnsøkonomi og svært viktig for vassmiljøet vårt framover. Rådmannen synes det er oversiktleg at det er lagt ved definisjonar i den lokale forskrifta då det er mange faguttrykk her. Rådmannen synes det er positivt at dei andre kommunane i Nordhordland og Gulen også vil få på plass ei ny lokal forskrift på dette området. Den gamle forskrifta er gått ut på dato, det er grunnen til at dette arbeidet no har vorte gjennomført.

Rådmannen vurderer det slik at framlegg til Lokal forskrift om slamtømning for Austrheim kommune vil vere eit godt hjelpemiddel for forvaltninga og for dei som skal drifta og tømme slike anlegg. Rådmannen rår til at kommunen legg forslaget til **Lokal forskrift om slamtømning for Austrheim**

kommune ut på offentlig ettersyn på vanleg måte slik framlegget er.

Konklusjon

Austrheim kommune gjer vedtak om å senda ***Lokal forskrift om slamtømming for Austrheim kommune*** ut på offentlig ettersyn i 6 veker